

準繩六出下

大小腑下  
小便數  
赤白濁九八  
腸鳴百四四

小便不禁九  
前陰諸疾百二  
脫肛百四六  
疝百八  
穀道痒痛百四八  
遺精八  
交腸百三〇  
痔百四九

漢書門				
一	二	三	四	五
九	八	七	六	五
類	號	函	架	冊

內閣文庫				
一	二	三	四	五
九	八	七	六	五
類	號	冊	架	函



小便數

運氣小便數皆屬火經云少陽之復便數憎風是也小便數唯二藏有之一屬肺經云肺手太陰之脈氣盛有餘則肩背痛風寒汗出中風小便數而欠是也以刺言之瀉手太陰則愈一屬肝經云足厥陰之瘡令人如癢狀而小便不利又云肝痺者夜卧則驚多飲數小便是也視虛實補瀉之則愈數而少茯苓琥珀湯利之數而多薯蕷蓮肉益智仁之屬收之生薯蕷

半斤刮去皮以刀切碎於鍋中煮酒沸下薯蕷  
不得攪待熟加鹽葱白更添酒空腹下二三盞  
妙 蓮肉去皮不以多少用好酒浸一兩宿猪  
肚一箇將酒浸蓮肉入肚中多半為度水煮熟  
取出蓮肉切焙乾為細末酒煮麩糊為丸如芡  
實大每服五十丸食前米飲湯下名水芝丸  
夜多小便益智二十四箇為末鹽五分水一盞  
煎八分臨卧温服 衛真湯并丸 桑螵蛸散  
戴氏云小便多者乃下元虛冷腎不攝水以

致滲泄宜兔絲子丸八味丸玄兔丹生料鹿茸  
丸 有人每日從早至午前定尿四次一日之  
間又自無事此腎虛所致亦猶脾腎泄早泄而  
晚愈次日又復然者也 若小便常急徧數雖  
多而所出常少放了復急不澀痛却非淋證亦  
有小便畢少頃將謂已盡忽再出些少者多因  
自忍尿或忍尿行房事而然宜生料五苓散減  
澤瀉之半加阿膠一錢吞加減八味丸此丸須  
用五味子者 有盛喜致小便多日夜無度乃

喜極傷心。心與小腸為表裏。宜分清飲。四七湯。各半貼。和煎。仍以辰砂妙香散。吞小兒絲子丸。或玄兔丹。若頻頻欲去而溺不多。但不痛耳。此腎與膀胱俱虛。客熱乘之。虛則不能制水。宜補腎丸。六味地黄丸。熱入水道。澀而不利。八正散。或五苓散。加黃蘗。知母。麥門冬。木通。大便硬。小便數者。是謂脾約。脾約丸主之。

### 小便不禁

原病。武云。熱甚。客於腎部。干於足厥陰之經。廷孔鬱結。極甚。而氣血不能宣通。則痿痺神無所用。故津液滲入膀胱。而旋溺遺失。不能收禁也。攷之內經。則謂督脈生病。為遺溺。靈樞謂肝所生病。為遺溺。蓋因二經循陰器。繫廷孔。病則榮衛不至。氣血勞劣。莫能約束水道之竅。故遺失不禁。劉河間可謂得此旨矣。然內經復言膀胱不約。為遺溺。靈樞言手太陰之別名曰列缺。其

病虛則欠欬小便遺數由此觀之則又不獨病在陰器廷孔而已夫如是者內由三焦決瀆之失常也何則手少陽之脉從缺盆布臚中下鬲循屬三焦足太陽之脉從肩膊內挾脊抵腰中入循膂屬膀胱三焦虛則膀胱虛故不約也肺從上焦通調水道下輸膀胱腎又上連肺故將兩藏是子母也母虛子亦虛此上中下三焦氣虛皆足以致遺溺矣由是而知三焦所部五藏之淫氣變而為五邪者悉能干於下焦腎肝膀胱出水之竅而為不禁之病何止於熱極鬱結痿痺腎部而已乎又自內經所謂太陰在泉客勝濕客下焦溲便不時太陰之復甚則入腎竅泄無度者觀之則知濕主於溼況是所勝之邪其不為鬱結痿痺者乎從而思之聖人之言舉一隅便當以三隅反前所謂肝腎膀胱之病不言其邪可見諸邪盡能病之也次言手太陰列缺虛者為子母藏氣之要也可見所生所勝不勝之五邪皆足以乘之也其言太陰之勝復則

濕為所勝之重者也。其他風寒燥熱雖不及言，可知在其中矣。治法：上虛補氣，下虛澀脫。

東垣云：小便遺失者，肺金虛也。宜安卧養氣，禁勞役，以黃芪、人參之類補之。不愈當責有熱。

加黃蘗生地。下虛謂膀胱下焦虛。經云：水泉不止者，是膀胱不藏也。仲景云：下焦竭則遺溺。

失便其氣不能自禁制，不須治。久則愈。又云：下焦不歸則遺洩。世用桑螵蛸、雞胫脰之類是也。

古方多燥熱，如二氣丹、家韭子丸、兔絲子丸、固腎丸、白茯苓散、鹿茸散、兔絲子散。內有桂附。

唯真虛寒者宜之。桑螵蛸散、鹿角霜丸、阿膠飲、鹿茸散。溫補而不僭。小便不禁而淋瀝澀。

滯者，澤瀉散、茯苓丸。滑脫者，牡蠣丸。如白薇散、雞腸散。內俱有寒藥。內熱者宜之。婁全。

善治一男子遺溺不覺，脉洪大盛。以黃蘗、知母、杜牛膝為君，青皮、甘草為臣，木香為佐，桂些少。

反佐服數貼，大効。此法與千金白薇散、皆河間所謂熱甚，廷孔鬱結，神無所用，不能收禁之意。

也。遺尿有實熱者用神芩導水丸每服百丸。空心白湯下。若一服利止後服。此謂淫氣遺溺。痺聚在腎。痺謂氣血不通宣也。戴云睡着遺尿者。此亦下元冷。小便無禁而然。宜大兔絲子丸。猪胞灸碎煎湯下。凡遺尿皆屬虛。通用方。薏苡仁鹽炒煎服。雞腸一具以水三升煮取一升分三服。一方用雄雞燒灰為末用三指撮溫漿水調一錢。向北斗服之更良。雄雞喉嚨及矢白脰脰裏黃皮燒為末麥粥清調服。羊

脾盛水貯令滿繫兩頭煮熟開取水頓服之。一。脰脰一具并腸洗淨燒灰男用雌女用雄為細末每服二錢空心溫酒調服。一方加猪脾灰燕蓐草主眠中遺尿不覺燒令黑研水進方寸匕。膀胱效者效而遺溺。

**妊娠尿出不知**

用白薇芍藥為末酒調下。或白礬牡蠣為末酒調二錢。或雞毛灰末酒服一七。或灸桑螵蛸益智仁為末米飲下。薛氏云前證若脰脰中有熱宜加味逍遙散。若脾肺氣虛

宜補中益氣湯加益智若肝腎陰虛宜六味丸

產後小便數乃氣血不能制故也薛氏曰

若因穩婆不慎以致胞損而小便淋瀝者用八

珍湯以補氣血兼進補脾飲若因膀胱氣虛而

小便頻數當補脾肺若膀胱陰虛而小便淋瀝

補肺腎

婦人產蓐產理不順致傷膀胱遺尿無時宜補

脾飲桑螵蛸散白薇散薛氏曰前證若脾肺陽

虛用補中益氣湯若肝腎陰虛用六味地黃丸

若肝腎之氣虛寒用八味地黃丸若肝脾氣血

虛熱用加味逍遙散佐以六味丸丹溪云嘗

見尿胞因收生者不謹以致破損而得淋瀝病

遂為廢疾有婦年壯難產得此因思肌肉破傷

在外者可以補元胞雖在腹恐亦可治診其脉

虛甚遂與峻補以參芪為君芎歸為臣桃仁陳

皮黃芪茯苓為佐煎以猪羊胞中湯極饑時飲

之但劑小者率用一兩至一月而安蓋令氣血

驟長其胞自完恐稍緩亦難成功矣



小便黃赤  
諸病水液渾濁皆屬於熱。小便黃者少腹中  
有熱也。藏府小便黃有四。一屬肝熱經云  
肝熱病者小便先黃是也。二屬胃實經云胃  
足陽明之脈氣盛則身已前皆熱其有餘於胃  
則消穀善饑溺色黃是也。三屬肺虛經云肺  
手太陰之脈氣虛則肩背痛寒少氣不足以息  
溺色變是也。四屬腎虛經云冬脈者腎脈也  
冬脈不及則令人眇清脊痛小便變是也。暹

小便黃赤

諸病水液渾濁皆屬於熱。小便黃者少腹中  
有熱也。藏府小便黃有四。一屬肝熱經云  
肝熱病者小便先黃是也。二屬胃實經云胃  
足陽明之脈氣盛則身已前皆熱其有餘於胃  
則消穀善饑溺色黃是也。三屬肺虛經云肺  
手太陰之脈氣虛則肩背痛寒少氣不足以息  
溺色變是也。四屬腎虛經云冬脈者腎脈也  
冬脈不及則令人眇清脊痛小便變是也。暹

氣小便黃有二。一屬風經云厥陰之勝膀胱氣并化而為熱小便黃赤是也。二屬熱經云少陰司天熱淫所勝病溺色變又云少陽之勝溺赤善驚又云陽明司天燥氣下臨暴熱至乃暑陽氣鬱發小便變是也。蓋暴熱謂地氣少陰之熱也。邪之所在皆為不足中氣不足溲便為之變補足外踝下留之用藥則補中益氣湯是已。小便黃無如黃蘗知母効。脉經云尺瀦足脛逆冷小便赤宜服附子四逆湯足太衝

補之遺精

丹溪書分夢遺精滑為二門蓋夢與鬼交為夢遺不因夢感而自遺者為精滑然總之為遺精也其治法無二故合之。或問精滑何因得之曰金匱要略謂虛勞之病脉浮大手足煩陰寒精自出又謂脉弦而大此名革亡血失精又謂小腹痛急陰頭寒脉動微緊男失精女子夢交通葉氏病源以虛勞病分出五勞七傷六極二

氣并化而為熱小便黃赤是也。二屬熱經云  
少陰司天熱淫所勝病溺色變又云少陽之勝  
溺赤善驚又云陽明司天燥氣下臨暴熱至乃  
暑陽氣鬱發小便變是也蓋暴熱謂地氣少陰  
之熱也。邪之所在皆為不足中氣不足溲便  
是已。小便黃無如黃藥知丹効。脈經云尺  
澀之候神足外踝下留之用藥則補中益氣湯  
蘇文脛逆冷小便赤宜服附子四逆湯足太衝

遺精

丹溪書分夢遺精滑為二門蓋夢與鬼交為夢  
遺不因夢感而自遺者為精滑然總之為遺精  
也其治法無二故合之。或問精滑何因得之  
曰金匱要畧謂虛勞之病脈浮大手足煩陰寒  
精自出又謂脈弦而大此名革亡血失精又謂  
小腹弦急陰頭寒脈動微緊男失精女子夢交  
通巢氏病源以虛勞病分出五勞七傷六極二  
十三蒸之名於七傷中精連蒸病中玉房蒸男

則遺瀝漏精與尿精聞見精出及失精等候皆混同仍類虛勞門爲腎主藏精故盡作腎氣衰弱之病似若他藏無損焉豈其然哉夫五藏皆藏精者也嘗攷靈樞本神篇首謂天之在我者德也地之在我者氣也德流氣薄而生者也故生之來謂之精兩精相搏謂之神如是者通言一身主宰之精神也因心腎是水火之藏法天地施化生成之道故藏精神爲五藏之宗主其次言所以任物者謂之心心有所憶謂之意意有所存謂之志因志而存變謂之思因思而遠慕謂之慮因慮而處物謂之智如是者皆因心神隨物所感變而分之是謂五志遂有五神藏之名五神旣分則於德化政令性味各司其屬者之用於是心腎之水火亦俯從五神之列然而所主之精神則並行未始相離而五神五變者分之如此則精亦從神之所變隨處與之合矣故五藏各得藏其精神以行其用是之謂藏真主所以屬本氣之生化者也苟有一藏之真

不得其正則一藏之病作矣苟一藏之精神傷之甚者則必害其心腎之主精神者也如所謂怵惕思慮則傷神神傷則恐懼流淫而不止喜樂恐懼則傷精精傷則骨痠痿厥而不舉喜樂者憚散而不藏恐懼者蕩燁而不收是故主藏精者不可傷傷則失守而陰虛陰虛則無氣無氣則死矣如是者精神之在五藏傷之則淫邪立至心之在志為喜在氣為火為熱腎之在志為恐在氣為水為寒於是怵惕思慮傷其精神傷則火動不止火動不止則腎水恐懼之志者并矣恐甚不解則動中而腎自傷腎主藏精與所受五藏六府所輸至之精皆不得藏而時自下矣此乃以心腎主宰精神者言也至若他藏之精各得而泄有所據乎曰內經所謂思想無窮所願不得意淫於外入房太甚宗筋弛縱發為白淫其病筋痿筋痿者生於肝使內王註以白淫是白物淫衍如精之狀因溲而下雖云如精殆非將化未成之精而徑出者乎何以言之

精有謂生來之精者先身生之精也有謂食氣入胃散精於五藏者有謂水飲自脾肺輸腎而四布五經並行之精者此水穀日生之精也然飲食日生之精皆從生來元精之所化而後分布其藏盈溢則輸之於腎腎乃元氣之本生成之根以始終化之養之之道也若飲食之精遇一藏有邪則其藏之食味化之不全不得入與元精俱藏而竟泄出與夫所謂脾移熱於腎少腹寃熱而痛出白者義亦如之王註雖謂消脂爍肉無乃消其腎所藏之精歟蓋使二藏無病則此白物其不爲精乎使二藏有病則所藏之精其不變爲白物而出之乎以此比例則肺脾二藏之精寧不有似肝藏之傷神動氣致精失守而走泄者乎然則治當何如曰獨腎泄者治其腎由他藏而致腎之泄者則兩治之在他藏自泄者治其本藏必察四屬以求其治大抵精自心而泄則血脉空虛本縱不收自肺而泄者皮革毛焦喘急不利自脾而泄者色黃肉消四

遺精  
八  
肢懈惰自肝而泄者色青而筋痿自腎而泄者  
色黃黑髓空而骨惰卽脉亦可辨也。或問夜  
夢交接之理何如曰內經曰腎者主水受五藏  
六府之精而藏之又曰主蟄封藏之本精之處  
也又曰陰陽之要陽密乃固故陽強不能密陰  
氣乃絕陰平陽秘精神乃治陰陽離決精氣乃  
絕又曰陰陽總宗筋之會會於氣街靈樞淫邪  
發夢篇曰厥氣客於陰器則夢接內蓋陰器者  
宗筋之所繫也而足太陰陽明少陰厥陰之筋  
皆結聚於陰器與衝任督三脉之所會然厥陰  
主筋故諸筋皆統屬於厥陰也腎爲陰主藏精  
肝爲陽主踈泄陰器乃泄精之竅是故腎之陰  
虛則精不藏肝之陽強則氣不固若遇陰邪客  
於其竅與所強之陽相感則精脫出而成夢矣  
所謂陽強者非藏之真陽強也乃肝藏所寄之  
相火強耳蓋水爲陰火爲陽故通言火爲陽然  
分言之則爲二若火盛不已反消亡其藏之真  
陽也肝乃魂之居藏之真陽虛則遊魂爲變變

則爲夢與肝虛病者多夢亡人無異曰如子所言夢遺則從肝腎得之乎曰不然病之初起亦有不在腎肝而在心肺脾胃之不足者然必傳於肝腎而後精方走也蓋有自然相傳之理存焉何則宗筋者上絡胸腹挾臍下合橫骨故內經謂其總陰陽之會會於氣街主束骨而利機關也夫五藏俱有火其相火之寄於肝者善則發生惡則爲害獨甚於他火故平人肝氣之剛勇充於筋而爲罷極之本也其陰器既宗筋之所聚乃強於作用皆相火充其力也若遇接內得陰氣與合則三焦上下內外之火翕然而下從百體玄府悉開其滋生之精盡趨會於陰器以躍出豈止腎之所藏者而已哉所謂厥氣客於陰器則夢者其厥氣亦身中陰分所逆之氣與接內之氣同是陰類故夢猶接內之精脫也若思欲不已精氣已客於陰器至卧故成夢而泄矣但夢者因真陽虛而得之故精脫之後其氣未能卒復未免形體衰憊不比平人接內之



氣一二時便可復也。曰治法當何如。曰病從他藏而起，則以初感病者為本，腎肝聚病處為標。若由腎肝二藏自得者，獨治腎肝；由陰陽離決，水火不交通者，則既濟之；陰陽不相抱負者，則因而和之；陽虛者補其氣，陰虛者補其血，陽強者瀉其火，火有正治反治，從多從少，隨其攸利。

○經曰：思想無窮，所願不得，意淫於外，入房太甚，宗筋弛縱，發為白淫，夢遺等證。先賢治法有五：其一用辰砂、磁石、龍骨之類，鎮墜神之浮游；河間秘真丸、本事八仙丹之屬是也。其二思想結成痰飲，迷於心竅而遺者，許學士用猪苓丸之類，導利其痰是也。其三思想傷陰者，潔古珍珠粉丸、海藏大鳳髓丹、本事清心丸、丹溪用海蛤粉、青黛、香附、黃蘗、知母之類，降火補陰是也。其四思想傷陽者，謙甫鹿茸、菴蓉、兔絲子等補陽是也。其五陰陽俱虛者，丹溪治一形瘦人便濁夢遺，作心虛治，用珍珠粉丸定志丸服之是也。戴氏云：遺精得之有四，有用

遺精

遺精

九

心過度心不攝腎以致失精者有因思色欲不遂致精失位輸瀉而出者有色欲太過滑泄不禁者有年壯氣盛久無色欲精氣滿泄者然其狀不一或小便後出多不可禁者或不小便而自出或莖中出而痒痛常如欲小便者並宜先用辰砂妙香散吞玉華白丹佐以威喜丸或分清飲別以綿裹龍骨同煎或分清飲半貼加五倍牡蠣粉白茯苓五味子各半錢。失精夢泄亦有經絡熱而得者若以虛冷用熱劑則精愈

失本事方清心丸用黃蘗腦子者最良

大智禪師云夢

遺不可全作虛冷亦有經絡熱而得之者善治一男子至夜脊心熱夢遺用珍珠粉丸皆治遺止終服紫雪脊熱始除又一男子脉洪腰熱遺精用沉香和中丸下之導赤散治其火而愈於此知身有熱而遺者皆熱遺也 若是用心過度而得之宜

遠志丸用交感湯加蓮肉五味子吞下仍佐以

靈砂丹 若審是思色欲不遂得之且以四七

湯吞白丸子甚者耳聞目見其精即出名曰白

淫妙香散吞玉華白丹 初虞世方治清滑不禁用青州白丸子辰砂為

衣服之神効 若審是色欲過度下元虛憊泄滑無

禁宜正元飲加牡蠣粉肉蓯蓉各半錢吞養氣

丹或靈砂丹仍佐以鹿茸丸山藥丸大兔絲子

丸固陽丸之類按此項藥太僭燥若妄用過劑則陰水耗竭壯火獨炎枯脂消

肉骨立筋痿而成不救之疾矣用者審之若審是壯盛滿溢者本

事方清心丸。夢遺俗謂之夜夢鬼交宜溫膽

湯去竹茹加人參遠志蓮肉酸棗仁炒茯苓各

半錢吞玉華白丹固陽丸夢遺亦備前四證宜

審其所感用前藥。婁全善云愚壯年得夢遺

症每四五十日必一遺累用鳳髓丹河間秘真

丸雖少効終不除根後改用菖蒲遠志韭子桑

螵蛸益智酸棗仁牡蠣龍骨瑣陽等劑為丸服

之良愈又一中年男子夢遺以珍珠粉丸等藥

與服了無一効亦以遠志菖蒲等劑服之隨手

而愈。又云王元珪虛而泄精脉弦大累與加

減八物湯吞河間秘真丸及珍珠粉丸其泄不

止後用五倍子一兩茯苓二兩為丸服之良愈

此則五倍子澀脫之功敏於龍骨牡蠣也。又

云詳古治夢遺方屬鬱滯者居大半庸醫不知

其鬱但用龍骨牡蠣等澀劑固脫殊不知愈澀愈鬱其病反甚嘗治一壯年男子夢遺白濁少腹有氣衝上每日腰熱卯作酉涼腰熱作則手足冷前陰無氣腰熱退則前陰氣耕手足溫又旦多下氣暮多噫時振隔一旬二旬必遺脉旦弦滑而大午洪大予知其有鬱滯也先用沉香和中丸大下之次用加減八物湯吞滋腎丸百粒若稍與蛤粉等澀藥則遺與濁反甚或一夜二遺遂改用導赤散大劑煎湯服之遺濁皆止漸安又一中年男子夢遺醫或與澀藥反甚連遺數夜愚先與神芩丸大下之却製猪苓丸服之皆得痊安又丹溪治鎮守萬戶蕭伯善便濁精滑不禁百藥不効與試倒倉法而安於此見夢遺屬鬱滯者多矣。葉氏云遺滑之證予累見人多作腎虛而用補澀之藥無効殊不知此因脾胃濕熱所乘飲酒厚味痰火之人多有此疾腎雖藏精其精本於脾胃飲食生化而輸於腎若脾胃受傷濕熱內鬱使中氣滯而不清則

所輸皆濁氣邪火擾動水不得而安靜故遺滑也。治以蒼白二陳湯加黃蘗升麻柴胡俾清氣升濁氣降而脾胃健運則遺滑自止矣。其有欲心太熾思想無窮而致者當從心治心清則神寧而火不妄起。宜遠志六三芩六三茯神湯房勞無度致腎虛者必兼見怯弱等證方可用補腎藥。故治有多端須當審察不可偏作腎虛治也。趙以德治鄭叔魯二十餘歲攻舉子業讀書夜至四鼓猶未已遂發此病。卧間玉莖但着被與腿便夢交接脫精懸空則不夢飲食日減倦怠少氣此用心太過二火俱起夜不得睡血不歸肝腎水不足火乘陰虛入客下焦鼓其精房則精不得聚藏而欲走因玉莖着物猶厥氣客之故作接內之夢於是上補心安神中調脾胃升舉其陽下用益精生陰固陽之劑不三月而病安矣。一老人年六十患瘧嗽自服四獸飲多積成濕熱乘於下焦幾致危困診其脉尺部數而有力量與補中益氣加涼劑三日與黃蘗丸次早診

遺精 卷之六 九十六  
之尺脉頓減問之曰夜來夢交接否曰然幸不  
泄曰年老精衰固無以泄其火熱結於精房者  
得泄火益陰之藥其火散走於陰器之竅病可  
減矣再服二日又夢其瘡嗽全愈 亦有鬼魅  
相感者大全良方論婦人夢與鬼交者由藏府  
虛神不守故鬼氣得爲病也其狀不欲見人如  
有對晤時獨言笑或時悲泣是也脉息乍大乍  
小乍有乍無皆鬼邪之脉又脉來綿綿不知度  
數而顏色不變亦其候也夫鬼本無形感而遂  
通蓋因心念不正感召其鬼附邪氣而入體與  
相接所以時見於夢治之之法則朱砂雄黃麝  
香鬼箭虎頭骨辟邪之屬是也 蔣右丞子每  
夜有夢招以德治之連二日診脉觀其動止終  
不舉頭但俯視不正當人知爲陰邪相着叩之  
不肯言其所交之鬼狀其父遂問隨出之童僕  
乃言一日至城隍廟見侍女以手於其身摩久  
之三五日遂聞病此卽令法師入廟毀其像小  
腹泥土皆濕其病卽安 試觀張仲景治下焦

遺精  
九十七  
真陽與精血兩虛病小腹弦急脉芤動微緊男子失精女子夢交通則用桂枝龍骨之屬溫之固之若陽浮上而不降作悸衄手足煩熱咽乾口燥陰獨居於內而爲裏急腹中痛夢失精者小建中湯和之皆可取以爲法也 醫家大法曰嘗治脫真不止者以澀劑收止之則不能收不能止不若瀉心火若瀉心火不能止之不若用升陽之劑加風藥之類止之非此能止之也舉其氣上而不下也

### 赤白濁

溺與精所出之道不同淋病在溺道故綱目列之肝膽部濁病在精道故綱目列之腎膀胱部今患濁者雖便時莖中如刀割火灼而溺自清唯竅端時有穢物如瘡膿目眵淋漓不斷初與便溺不相混濫猶河中之濟焉至易辨也每見時醫以淋法治之五苓八正雜投不已而增劇者不可勝數予每正之而其餘尚難以戶說也蓋由精敗而腐者什九由濕熱流注與虛者什

一 丹溪云屬濕熱有痰有虛赤屬血由小腸屬火故也白屬氣由大腸屬金故也或曰思慮過度嗜欲無窮俾心腎不交精元失守以為赤白二濁之患赤濁者為心虛有熱由思慮而得之白濁者為腎虛有寒因嗜欲而得之葉氏曰原病式以赤白濁均屬於熱其辨甚明然因於虛寒者不可謂無如上所言是也但熱多寒少耳虛熱者清心蓮子飲虛寒者解分清飲白濁有濕痰流注宜燥中宮之濕赤者濕傷血也 有胃中濁氣下流滲入膀胱而白濁者蒼白二陳湯加升提之劑 虛

勞者用補陰藥胃弱者參朮加升麻柴胡心經伏暑赤濁者四苓散加香薷麥門冬人參石蓮肉 戴氏云有白濁人服玄兔丹不愈服附子八味丸即愈者不可不知 有小便如常停久纔方淀濁有小便出即如米泔若小兒疳病者宜分清飲加茯苓半錢下小兒兔絲子丸 如服藥未効宜四七湯吞青州白丸子及辰砂妙香散吞玄兔丹及小兒兔絲子丸山藥丸如白濁甚下淀如泥或稠粘如膠頻逆而澀痛異常此

赤白濁

卷六

九



非是熱淋。此是精濁。室塞竅道而結。宜五苓妙香散吞八味丸。九百一小兒絲子丸。六百一或草薢分清飲。精者血之所化。有濁去太多。精化不及。赤未變白。故成赤濁。此虛之甚也。何以知之。有人天癸未至。強力好色。所泄半精半血。若溺不赤無他熱症。縱雖赤濁。不可以赤為熱。只宜以治白濁法治之。若溺赤下濁亦赤。口渴時發熱者。辰砂妙香散吞靈砂丹。或清心蓮子飲。發熱不退。口燥舌乾之甚者。此乃精虧內燥。腎枯不潤。

四物湯吞玄兔丹和加減八味丸久服乃効。按

熱燥如此。而用藥無一涼補濡潤之劑。非其治也。曷若以生地。麥門冬。五味。鹽炒。黃芪。淡竹葉。地骨皮。山藥。之類治之。或問丹溪云。白濁之病。因何與

前人所論不同。將古今異也。子能與我折衷乎。曰。辨古今之得失。必以內經證之。是病自巢氏病源候論曰。白濁者。由勞傷腎。腎氣虛冷故也。由是歷代方論。宗其說無異詞。不唯白濁之理不明。所治之法亦誤。不思內經本無白濁之名。唯言少陰在泉。客勝溲便變少。陽在泉。客勝則

瘦白又言思想無窮入房太甚發為白淫與脾  
 移熱於腎出白二者皆隨瘦而下夫如是非白  
 濁之源乎原病式因舉內經謂諸病水液渾濁  
 皆屬於熱言天氣熱則水渾濁寒則清潔水體  
 清火體濁又如清水為湯則自然白濁也可謂  
 發聖人之旨以正千載之誤矣然不讀其書者  
 世猶未盡知斯道也予嘗聞先生論白濁多因  
 濕熱下流膀胱而成赤白濁即靈樞所謂中氣  
 不足瘦便為之變是也必先補中氣使升舉之

而後分其藏府氣血赤白虛實以治與夫其他  
 邪熱所傷者固在瀉熱補虛設腎氣虛甚或火  
 熱亢極者則不宜峻用寒涼之劑必以反佐治  
 之要在權衡輕重而已 痿論曰思想無窮所  
 願不得意淫於外入房太甚宗筋弛縱發為筋  
 痿及為白淫夫腎藏天一以慳為事志意內治  
 則精全而瀆若思想外淫房室太甚則固有淫  
 泆不守輒隨瘦弱而下也然本於筋痿者以宗  
 筋弛縱也宜內補鹿茸丸扶兔丸金箔丸珍珠

粉丸

脉洪大而瀉按之無力或微細或沉緊而瀉為元氣不足若尺脉虛或浮者急疾者皆難治遲者易治

之要至難辨重下... 寒諸曰思... 然立過者限不宜... 深熱則身者固... 而外合其熱...

前陰諸疾

陰縮陰縱 陰冷陰痒

陰痿 陰腫痛

陰汗臊臭 陰吹

前陰所過之脉有二一曰肝脉二曰督脉經云足厥陰之脉入毛中過陰器抵少腹是肝脉所過也又云督脉者起於小腹以下骨中央女子入繫廷孔循陰器男子循莖下至篡與女子等是督脉所過也

陰縮陰縱

陰縮謂前陰受寒入腹內也陰縱

謂前陰受熱挺長不收也經曰足厥陰之筋傷於寒則陰縮入傷於熱則縱挺不收治在行水

清陰氣是也。丹溪治鮑兄二十餘歲玉莖挺長腫而痿皮塌常潤磨股不能行兩脇氣上手足倦弱先以小柴胡加黃連大劑行其濕熱畧加黃蘗降其逆上之氣其挺腫漸收漸減及半但莖中有堅塊未消遂以青皮為君佐以散風之劑末服外以絲瓜汁調五倍子末傅而愈。

平江王氏子年三十歲忽陰挺長腫而痛脉數而實用朴硝荆芥湯浸洗又用三一承氣湯太下之愈。內經刺灸前陰挺長之法有一經云

足厥陰之别名曰蠡溝去內踝五寸別走少陽其病實則挺長取之所別是也。內經診陰縮而死者皆屬肝傷經云肝悲哀動中則傷魂魄傷則狂妄不精不精則不正當陰縮而攣筋兩脇骨不舉毛悴色天死於秋又云厥陰終者喜溺舌卷卵上縮是也。

**陰痿** 陰痿皆耗散過度傷於肝筋所致經云足厥陰之經其病傷於內則不起是也。腎脉大甚為陰痿。運氣陰痿皆屬濕土制腎經云

太陰司天濕氣下臨腎氣上從陰痿氣衰而不舉是也。仲景八味丸治陽事多痿不振今依

前方夏減桂附一半春秋三停減一疾去精足

全減桂附只依六味地黄丸此法可治傷於內者陰痿

弱兩丸冷陰汗如水小便後有餘滴臊氣尻醫

并前陰冷惡寒而喜熱膝亦冷此肝經濕熱宜

此法可治濕氣制腎者固真湯柴胡勝濕湯腎脉大右

尺尤甚此相火盛而反痿宜滋腎丸或鳳髓丹

陰汗濕痒用大蒜煨剝

去皮爛研同淡荳豉末搜和丸桐子大朱砂為

衣每服三十丸棗二枚燈心數莖煎湯空心送

下陰汗不止內服青蛾丸外用爐甘石一分

真蛤粉半分乾撲或蜜佗僧和蛇牀子研末撲

之東垣治一富者前陰間常聞臊臭又因連

日飲酒腹中不和夫前陰者足厥陰之脉絡陰

器出其挺末臭者心之所走散入於五方為臭

入肝為臊臭此其一也當於肝經中瀉行間是

治其本後於心經中瀉少衝以治其標如惡針

當用藥除之。治法當求其本。連日飲酒。夫酒者氣味俱能生濕熱。是風濕熱合於下焦為邪。故經云。下焦如瀆。又云。在下者引而竭之。酒者是濕熱之水。亦宜決前陰以去之。是合下焦二法治之。宜龍膽瀉肝湯。柴胡入肝為引用。澤瀉車前子。木通其淡滲之味。利小便亦除燥臭。是謂在下者引而竭之。生地黄草龍膽之苦寒瀉酒濕熱。更兼車前子之類。以徹肝中邪氣。肝主血。用當歸以滋肝中血不足也。面色痿黃身黃。脚軟弱無力。陰汗。陰莖有天色。宜溫腎湯。前陰如冰冷。并冷汗。兩脚痿弱無力。宜補肝湯。溺黃臊臭。淋瀝兩丸如冰。陰汗浸兩股。陰頭亦冷。正值十二月天寒凜冽。霜雪交集。寒之極矣。宜清震湯。兩外腎冷。兩髀樞陰汗。前陰痿弱。陰囊濕痒。臊氣。宜柴胡勝濕湯。千金方有人陰冷。漸漸冷氣入陰囊。腫滿恐死。日夜痛悶。不得眠。取生椒擇之洗淨。以布帛裹着丸囊。令厚半寸。須更熱氣大通。日再易之。取出瘥。本事。

方曾有人陰冷漸次冷氣入陰囊腫滿晝夜悶  
疼不得眠煮大薊汁服立瘥 前陰兩丸濕痒  
秋冬尤甚冬月減宜椒粉散 腎囊濕痒先以  
吳茱萸煎湯洗之後用吳茱萸半兩寒水石三  
錢黃蘗二錢半樟腦蛇牀子各半兩輕粉一錢  
白礬三錢硫黃二錢檳榔三錢白芷三錢爲末  
摻之

**陰腫痛**

風熱客於腎經腎虛不能宣散而腫

發歇疼痛聖惠沉香散沉香五錢檳榔一兩丹  
參赤芍藥白蒺藜去刺炒製枳殼赤茯苓各七  
錢半空心溫服 腫而有氣上下攻注脹悶聖  
惠木香散木香半兩赤茯苓一兩牡丹皮澤瀉  
各七錢半防風半兩檳榔一兩郁李仁一兩湯  
浸去皮微炒爲末食前溫酒服 小蟠葱散五  
苓散生料和四兩重依方加檳榔半兩茴香炒  
八錢川練肉半兩薑葱煎空心服 腫痛不可  
忍雄黃二兩研白礬二兩甘草二尺煮水三升  
稍熱浴之又雞翅燒灰爲末空心粥飲調下三

錢患左取左翅患右取右翅又取伏龍肝以雞  
子白和傅之又馬齒莧搗汁或桃仁去皮搗爛  
或蛇牀子末雞子黃和三者各可傅之 痛用  
苦練樹向陽根木香吳茱萸檳榔爲末醋糊丸  
熱酒不拘時服 卒痛如刺大汗出小蒜一升  
韭根一斤楊柳根一斤剉酒三升煎沸乘熱熏  
之 陰莖痛是厥陰經氣滯兼熱用甘草稍蓋  
欲緩其氣耳若病淋而作痛似難一槩論之必  
須清肺氣而清濁自分矣氣虛六君血虛四物  
等各用黃蘗知母滑石石葦琥珀之類 婦人  
陰腫腎痛枳實半斤切碎炒熱布裹包熨之冷  
卽易

**陰吹**

胃氣下泄陰吹而正喧此穀氣之實也

六百五十六  
膏髮煎導之





際之上小腹之分作痛與疝氣之有形如瓜有聲如蛙或上於腹或下於囊者不同也但小腸膀胱因經絡並於厥陰之經所以受病連及於肝則亦下控引睪丸為痛然止是二經之病不可以為疝也 趙以德曰此條本為睪丸之症立名然內經以疝者痛也有腹中藏府之痛一以疝而名者故通敘於此其腹中五藏之疝得以此就此而考焉有睪丸之痛內經謂任脉為病男子內結七疝女子帶下瘕聚衝脉為病逆氣裏急然稱任脉有七疝名無疝之狀及按諸篇以雙字命其名者曰癰疝者以三陽為病發寒熱痿厥其傳為癰疝及陽明司天與之勝肝是動病足陽明筋病皆為癰疝謂厥疝者面黃脉之至大有虛有積氣在腹中厥氣名曰厥疝謂疝瘕以脾傳邪之間病名疝瘕少腹冤熱而痛出白一名曰蠱謂衝疝者以衝任督生病土衝心痛不得前後謂卒疝者邪客厥陰之絡則卒疝暴痛與厥陰別蠱溝氣逆亦睪丸卒痛謂癰

癰疔者厥陰之陰盛而脉脹不通謂狐疔者肝  
所生病也殆非及此雙字之名者由任脉行諸  
經之會而有七疔者歟此外獨稱一字疔者則  
有太陰在臬主勝寒氣厥陽甚則爲疔有太陽  
在臬小腹控睪上引心痛有小腹痛不得大小  
便名曰疔得之寒有足太陰筋病陰器紐痛上  
引臍有心疔脉急小腸爲使小腸當有形有腎  
脉大急深皆爲疔心脉搏滑急爲心疔肺脉沉  
搏爲肺疔三陰急爲疔靈樞有謂心疔肝脉滑  
甚爲癩疔脾脉微大爲疔氣腹中裹大膿血在  
腸胃之外滑甚爲癩癰腎脉滑甚爲癰癩諸脉  
之滑者爲陽氣甚盛微有熱夫如是者名爲七  
疔中分邪氣之寒熱者也內經又云少陽脉滑  
病肺風疔太陰脉滑病脾風疔陽明脉滑病心  
風疔太陽脉滑病腎風疔少陽脉滑病肝風疔  
所言風者非外入之風由肝木陽藏動之風也  
故經云脉滑曰風然連以疔稱者蓋腎肝同居  
下焦而足厥陰佐任脉之生化因肝腎之氣並

逆所以任之陰氣爲疝肝之陽氣爲風所以風疝連稱也李東垣謂脉滑者爲丙丁火熱併於下不勝壬癸從寒水之化故生癰疝亦用熱治內經初不見於尺部而言也豈不爲外寒鬱內熱之故乃曰熱火從寒化恐理未當而經更有莖垂者身中之機陰陽之候津液之道也或飲食不節喜怒不時津液內溢下流於羣血道不通日久不休俛仰不便趨翔不能此病榮然有水不上不下若此者亦癰疝之一也張仲景言疝皆由寒邪得之亦同內經之云脉者當溫散之或曰內經言疝似若各從諸經脉所生今子何爲盡屬於任脉乎曰任脉是疝病之本源各經是疝病之支流何以言之蓋腎藏以四方分部者言則屬五行之寒水以居在下位者言則屬地道之陰陰形偶故腎有兩兩其形則地道之剛柔立焉包居兩形之間出納腎藏之精血以行坤土之化生成百骸萬象及夫生長壯者已之天癸與作強伎巧之用悉在於斯然而坤

土居尊不自司其職司其職者乃衝任二脉起於包中者行其化也是故五藏六府之經皆受氣於六脉因以海名之所以二脉貴乎流通而惡閉塞流通則天之陽氣下降與之從事故施化之道行閉塞則天之陽絕故地之陰亦結而百病作矣疝者是其二也所致任脉之病者若剛柔自相勝負與內外邪之感傷皆得使其陰陽不和陰偏勝則寒氣衝擊陽偏勝則熱氣內入陰反之外悉致任脉爲疝縱其邪不自任脉而起初由各經所受而得者亦必與任脉相犯故也所犯者何或所勝之經脉相傳或受不以次所乘或任脉過處與受邪之經相會或六經受氣之際挾邪犯其海則皆足以感動任脉內舍結固不化之陰上擊藏府則爲腹中之疝下入厥陰會於陰器則爲辜丸之疝蓋疝自立名獨爲任脉所職在地之陰特然起擊者而命之也若諸經受邪不與任脉相干則不名爲疝矣不然何內經舉痛篇靈樞百病始生篇專爲發

明經脉腹中諸痛者乃無一字名其疝也始可見任脉者是疝病之本源諸經所云疝者是其支流餘喬耳若夫巢氏所敘七疝者曰厥疝癥疝寒疝氣疝盤疝肘疝狼疝也其厥逆心痛諸飲食吐不下名曰厥疝腹中氣乍滿心下盡痛氣積如臂名曰癥疝寒飲食卽脇下腹中盡痛名曰寒疝腹中乍滿乍減而痛名曰氣疝腹中痛在臍旁名曰盤疝腹中臍下有積聚名曰肘疝小腹與陰相引而痛大便難名曰狼疝及言諸疝之候止以陰氣積於內爲寒氣所加使榮衛不調血氣虛弱故風冷入於腹內而成疝也小兒癘者陰核腫大由啼哭軀氣不止動於陰氣結聚不散所致者也觀於五疝皆是痛在心腹之疝也獨舉癘疝屬小兒病者耳後人迷其說更舉內經謂脾風傳之於腎名曰蠱疝瘕少腹寬而痛一名曰蠱者謂之蠱病又立陰疝條卽癘疝也將以足七疝之數此言五條爲心腹痛者之治療則曰若因七情所傷者當調氣安

其五藏外邪所干者當溫散之治之不當內外  
之氣交入於腎者爲腎氣入於膀胱者爲膀胱  
氣入於小腸者爲小腸氣腎與膀胱一藏一府  
其氣通於外腎小腸系於睪丸系會故也又謂  
陰疝一名癰疝其種有四積腸癰氣癰卵脹水  
癰是也若寒溫之氣有連於小腸者卽小腹控  
睪丸而痛陰丸上下謂之腸癰寒氣客於經筋  
足厥陰脉受邪脉脹不通邪結於睪卵謂之卵  
脹腎虛之人因飲食不節喜怒不時津液內結  
謂之水癰至張戴人非之曰此俗工所立謬名  
也蓋環陰器上抵少腹乃屬足厥陰肝經之部  
分是受疝之處也或在臬寒勝水氣攣縮鬱於  
此經或司天燥勝木氣抑鬱於此經或忿怒悲  
哀憂抑頓挫結於此經或藥淋外固閉尾縮精  
壅於此經了不相干膀胱腎小腸之事乃厥陰  
肝經之職也凡疝者非肝木受邪則肝木自甚  
也由是於陰疝中亦立七疝之名曰寒疝水疝  
筋疝血疝氣疝狐疝癰疝也寒疝其狀囊冷結

硬如石陰莖不舉或連控辜丸而痛得於坐卧  
濕地及磚石或冬月涉水或值雨雪或風冷處  
使內過勞宜以溫劑下之久而無子水疝其狀  
腎囊腫痛陰汗時出或囊腫狀如水晶或囊痒  
搔出黃水或小腹按之作水聲得之飲水醉酒  
使內過勞汗出而遇風寒濕之氣聚於囊中故  
水多令人爲卒疝宜以逐水之劑下之筋疝其  
狀陰莖腫脹或潰或膿或痛而裏急筋縮或莖  
中痛痛極則痒或挺縱不收或白物如精隨洩  
而下得於房室勞傷及邪術所使宜以降心火  
之藥下之血疝其狀如黃瓜在小腹兩傍橫骨  
兩端約中俗云便癰得於春夏重感大燠勞於  
使內氣血流溢滲入脬囊留而不去結成癰腫  
膿少血多宜以和血之劑下之氣疝其狀上連  
腎區下及陰囊或因號哭忿怒則氣鬱乏而脹  
怒哭號罷則氣散者是也宜以散氣之劑下之  
或小兒亦有此疾俗曰偏氣得於父已年老或  
年少多病陰痿精怯強力入房因而有子胎中



病也。此病不治，狐疝其狀如瓦，卧則入小腹，行立則出小腹，入囊中，狐則晝出穴而溺，夜入穴而不溺。此疝出入上下往來，正與狐相類，亦與氣疝大同小異，令人帶鈞鈴是也。宜以逐氣流經之藥下之。癩疝其狀陰囊腫縋如升如斗，不痒不痛是也。得之地氣卑濕所生，故江淮之間，湫塘之處多感此疾。宜以去濕之藥下之。諸疝下去之後，可調則調，可補則補，各量病勢，勿拘俗法。經所謂陰盛而腹脹不通者，癩瘰疝也不可不下。其論如此。戴人既曰用內經靈樞明堂之論，要窮疝病之源，而不及於任脉生病之源，何也？蓋因力辨陰器與小腸腎膀胱了不相干，是屬足厥陰部分受病之原，立說所以不及於任脉。然已三見於論中矣。其間引治疝之穴，多與任脉所會一也。又稱衝任督與厥陰會於曲骨環陰器二也。復言凡精滑白淫皆男子之疝也。血涸不月，罷腰膝上熱，嗑乾少腹有塊，女子之疝也。但女子不謂之疝，而謂之瘕，卽任脉內

結之病尤明者三也。凡載人辯論之詞，強直專主其一，則不復顧其二；在癩疝中，有無六經外證之可辨，若果有膀胱小腸之證者，又安得不從之？如靈樞謂小腸病者，小腹痛，腰脊控，睪丸而痛之類，論治法亦然。因病在下，必先下之，更不問虛弱之人，於首尾不可下者，下之，有不旋踵之禍，豈待下後始補而可回其生乎？然而戴人之書，其詞直其義明，讀之使人豁然以去胸中之茅塞，誠是諸醫書之冠。及乎詳玩之，則少溫潤反覆之意。且夫陰陽變化生病於無窮，治法亦無窮，非一人所能究。學者當因其已明，益其未至，然後得爲善用其書者。丹溪先生嘗論睪丸連小腹急痛者，或有形或無形，或有聲或無聲，人皆以爲經絡得寒，收引不行而作痛。不知此病始於濕熱鬱遏，至久又感外寒，濕熱被鬱而作痛也。其初致濕熱之故，蓋大勞則火起於筋，醉飽則火起於胃，房勞則火起於腎，大怒則火起於肝，火鬱之久，濕氣便盛，濁液凝聚并

入血隧流於厥陰肝屬木性急速火性又暴烈  
爲寒所束宜其痛甚而暴也此論亦就厥陰受  
病處發明戴人之未至者也誠有功於後學蓋  
癩疝不離此三者之邪熱則縱寒則痛濕則腫  
須分三者多少而治之兩丸俱病固然也設有  
偏於一者予又不能無其說焉腎有兩分左右  
其左腎屬水水生肝木木生心火三部皆司血  
統納左之血者肝木之職也其右屬火火生脾  
土土生肺金三部皆司氣統納右之氣者肺金  
之職也是故諸寒收引則血泣所以寒血從而  
歸肝下注於左丸諸氣憤鬱則濕聚所以氣濕  
從而歸肺下注於右丸且夫畢丸所絡之筋非  
盡由厥陰而太陰陽明之筋亦入絡也往往見  
人偏患於左丸者則痛多腫少偏於右丸者則  
痛少腫多此便可驗也姑書治效者一二症以  
明之予壯年啖柑橘過多積成飲癖在右脇下  
隱隱然不敢復啖數年已一日山行大勞饑渴  
甚遇橘芋食之橘動舊積芋復滯氣卽時右丸

腫大寒熱交作因而思之脾肺皆主右故積飲  
滯氣下陷太陰陽明之經筋俱傷其邪從而入  
於囊中著在辜丸筋膜而為腫脹張戴人有言  
病分上下治雖是木鬱為疝在下則不可吐亦  
當從下引而竭之竊念病有不同治可同乎今  
犯饑勞傷脾脾氣下陷必升舉之則胃氣不復  
下陷而積可行若用藥下之恐重陷胃氣也先  
服調胃劑一二貼次早注神使氣至下焦嘔逆  
而上覺肋下積動到中焦則吐而出之吐後癩  
腫減半次早復吐吐後和胃氣疎通經絡二三  
日愈凡用此法治酒傷與飲水注右丸腫者皆  
効又治一人病後飲水患左丸痛甚灸大敦用  
摩腰膏內用烏附丁麝者以摩其囊上抵橫骨  
端灸温帛覆之痛即止一宿腫亦全消矣  
歷代獨治外束之寒發明云男子七疝痛不  
可忍者婦人瘕聚帶下皆任脉所主陰經也乃  
肝腎受病治法同歸於一宜丁香<sup>方名</sup>香練實丸凡疝  
氣帶下皆屬於風全蝎治風之聖藥也川續齒

香皆入小腸經當歸玄胡索活血止痛疝氣帶  
下皆積寒邪入於小腸之間故用附子佐之丁  
香木香為引導藥也 羅謙甫治火兒赤紐隣  
久病疝氣復因七月間饑飽勞役過飲潼乳所  
發甚如初面色青黃不澤臍腹陣痛搖撮不可  
忍腰曲不能伸熱物熨之稍緩脉得細小而急  
難經云任之為病男子內結七疝皆積寒於小  
腸之間所致也非大熱之劑即不能愈遂製一  
方名之曰沉香桂附丸 臍下撮急疼痛并臍  
下周身一遭皆急痛小便頻數清其五脉急洪  
緩潛沉按之皆虛獨腎脉按之不急皆虛無力  
名曰腎疝宜丁香疝氣丸 男子婦女疝氣臍  
下冷痛相引腰膝而痛宜當歸四逆湯 發明  
天台烏藥散川苦練散簡易木香練子散皆用  
巴豆炒藥許學士云大抵此疾因虛而得之不  
可以虛驟補邪之所湊其氣必虛留而不去其  
病則實故必先滌去所蓄之邪熱然後補之是  
以諸藥多借巴豆氣者蓋為此也 金匱方寒

疝腹中痛逆冷手足不仁若身疼痛灸刺諸藥不能治抵當烏頭桂枝湯主之用烏頭一味以蜜二升煎減半去查以桂枝湯五合和之令得一升後初服二合不知再服三合又不知復加至五合其知者如醉狀得吐者為中病海藏以附子建中湯加蜜煎治疝即此法也腹痛脉弦而緊弦則衛氣不行即惡寒緊則不欲食弦緊相搏即為寒疝寒疝繞臍痛若發則自汗出手足厥冷其脉沉弦者大烏頭煎主之 衍義

云葫蘆巴本經云得茴香桃仁治膀胱氣甚効嘗合用桃仁麩炒各等分半酒糊丸半為散每服五七十丸空心食前鹽酒下散以熱米飲調下與丸子相間空心各一二服効 寶鑑葫蘆

巴丸

丹溪治內鬱之濕熱煎方枳實九粒桃仁四十炒個山梔仁九個吳茱萸七粒山查四粒生薑如大右六味同入搗盆搗細取順流水一鍾入瓶內煎至微沸帶查服如濕勝癩疝者加荔枝核

炒茴香二兩柴胡牡丹皮八角茴香各一兩桃仁各一兩枳實

茱萸炒各半兩末之酒糊丸空心鹽湯下五六十九

陽明受濕熱傳入大陽發熱惡寒小腹連毛際間悶痛不可忍用梔子仁炒桃仁炒枳實炒

山查各等分同研細入生薑汁半合用水一小鍾盪起煎令沸熱服之一方加茱萸

寒熱兼施 靈樞云胃中熱腸中寒則疾饑小腹痛脹 丹溪云愚見有用川烏頭梔子等分

作湯用之其効亦敏後因此方隨症與形加減用之無有不効蓋川烏頭治外束之寒梔子仁

治內鬱之熱也 又云諸疝痛處用手按之不痛者屬虛必用桂枝炒山梔細切川烏頭等分

為細末生薑自然汁打糊為丸如桐子大每服三四十九丸空腹白湯下 羅謙甫云陰疝足厥

陰之脉環陰器抵少腹或痛因腎虛寒水涸竭瀉邪補肝 荻藜湯主之



補例 丹溪云。疝有挾虛而發者。其脉不甚沉  
緊而大豁無力者是也。然其痛亦輕。唯覺重墜  
牽引耳。當以參朮為君。疏導藥佐之。蓋疏導藥  
卽桃仁、山查、枳實、梔仁、茱萸、川練、玄胡、索、丁香、  
木香之類是也。海藏云。姪提領因疾服涼劑  
數日。遂病臍腹下大痛。幾至於死。與薑附等劑  
雖稍蘇。痛不已。隨本方內倍芍藥服之。愈。金  
匱方。寒疝。腹中痛及脇痛裏急者。當歸生薑羊  
肉湯主之。衍義云。張仲景治寒疝用生薑羊肉  
湯服之。無不應驗。有一婦人產當寒月。寒氣入  
產門。腹臍以下脹滿。手不欲犯。此寒疝也。師將  
治之。以抵當湯謂有瘀血。非其治也。可服仲景  
羊肉湯二服。遂愈。

肝氣 肝足厥陰經之病。必小腹引脇而痛。經  
云。厥陰之復。小腹堅滿。裏急暴痛。是風氣助肝  
盛而然。治法當瀉肝也。又云。歲金太過。民病兩  
脇下痛。小腹痛。又云。歲木不及。燥乃大行。民病  
中清。胛脇痛。少腹痛。又云。歲土不及。風乃大行。




民病腹痛復則胸脇暴痛下引小腹者是燥邪  
攻肝虛而然治法當補肝瀉金也又云寒氣客  
於厥陰之脉則血泣脉急故脇肋與小腹相引  
痛又云肝病者兩脇下痛引小腹取其經厥陰  
小腸又云邪客厥陰之絡令人卒疝暴痛刺足  
大指爪甲上與肉交者各一疝男子立已女子  
有頃已左取右右取左 瀉肝山梔川芎桂芍  
之屬 補肝當歸生薑羊肉之屬

小腸氣 小腸之病小腹引睪丸必連腰脊而  
痛經云少陰之脉心下熱善饑臍下痛又云少  
陰之復燠熱內作小腹絞痛者是熱助小腸盛  
而然治法當瀉小腸也又太陽在臍寒淫所勝  
與太陽之復皆病小腹控睪引腰脊上衝心痛  
及太陰司天大寒且至病小腹痛者是寒邪攻  
小腸虛而然治法當補小腸瀉寒邪也 寶鑑  
引至真大要論云小腹控睪引腰脊上衝心唾  
出清水及爲噦噫甚則入心善悲善忘甲乙經  
曰邪在小腸也小腸病者小腹痛引腰脊貫肝

肺其經虛不足則風冷乘間而入邪氣既入則厥之證上衝肝肺客冷散於胸結於臍控引羣丸上而不下痛而入腹甚則衝心胸蓋其經絡所屬所係也治之方茴香炒練實剉炒食茱萸陳皮馬蘭花醋炒各一兩芫花醋炒五錢右為末醋糊丸如桐子大每服十丸至二十丸溫酒送下 又方益智仁蓬朮各半兩茴香山茱萸肉牛膝續斷川芎葫蘆巴防風牽牛炒熟甘草各二錢半為細末每服三錢水一盞二分煎兩三沸空心連滓服白湯調下二錢七亦得

膀胱氣 膀胱之病小腹痛腫不得小便是也經云太陰在泉病小腹痛腫不得小便是濕邪攻膀胱虛而然治法當補膀胱瀉濕土邪也又云膀胱病者小腹偏腫而痛以手按之即欲小便而不得取委中央又云小腹痛腫不得小便邪在三陽取之足太陽大絡即委陽穴 許學士云頃在岳城日歛尉宋荀甫膀胱氣作疼不可忍醫者以剛劑與之痛愈甚小便不通三日矣臍



下虛脹心悶予因候之見其面赤黑脉洪大予  
曰投熱藥太過陰陽痞塞氣不得通爲之柰何  
宋尚手持四神丹數粒云醫謂不止更服此予  
曰若服此定斃後無悔渠求治予適有五苓散  
一兩許分三服用連鬚葱一莖茴香一撮鹽一  
錢水一盞半煎至七分令接續三服中夜下小  
便如墨汁者一二升腰下寬得睡翌日診之脉  
已平安矣續用礪砂丸與之數日瘥 巢全善  
治謝人妻小腹疼痛小便不通先灸灸三陰交  
以茴香丁香青皮檳榔桂茱萸玄胡索山查枳  
實又倍用黃蘗煎服愈

心疝 心脉微滑爲心疝 心脉搏滑急爲心  
疝 帝曰診得心脉而急此爲何病岐伯曰病  
名心疝小腹當有形也心爲牡藏小腸爲之使  
故曰少腹當有形也 木香散 廣藏煮散

癩疝 睪囊腫大如升如斗是也 丹溪云下  
部癩氣不痛之方細思非痛斷房事與厚味不  
可用藥唯促其壽若蒼朮神麴白芷山查川芎

枳實半夏皆要藥人視其藥皆鄙賤之物已啓  
慢心又不能斷欲以愛護其根本非惟無益而  
反被其害者多矣且其藥宜隨時月寒熱更按  
君臣佐使加減大抵癩疔屬濕多 蒼朮神麴  
白芷散水山查川芎枳實半夏南星有熱加山梔  
一兩堅硬加朴硝半兩秋冬加吳茱萸二錢半  
神麴糊丸 又方南星山查蒼朮各二兩白芷  
半夏枳實神麴各一兩海藻昆布各半兩玄明  
粉吳茱萸各二錢為末酒糊丸 又方治木腎

不痛南星半夏黃蘗酒洗蒼朮鹽炒枳實山查白芷

神麴炒滑石炒茱萸昆布酒糊丸空心鹽湯下

治癩脹用香附子不拘多少為末每用酒一

盞海藻一錢煎至半盞先撈海藻細嚼用所煎

酒調末二錢服 楮葉雄者曬乾為末酒糊丸

空心鹽酒下無實者為雄 潔古海蛤丸 癩氣痛

者易治赤白核散赤白三層茴香丸赤白宜胞丸赤白地黃膏子

此安息香丸赤白念珠丸赤白隨宜選用 陰囊腫脹大

小便不通宜三白散 偏墜初生用穿山甲茴

香一味爲末酒調下乾物壓之外用牡蠣煨良  
薑各等分爲細末津唾調敷大者一邊須臾如  
火熱痛卽安 丹溪治一人因飲酒後飲水與  
水果偏腎大時作蛙聲或作痛炒枳實一兩茵  
香鹽炒梔子炒各三錢研煎下保和丸 一人  
膀胱氣下墜如蛙聲臭橘子核炒十枚桃仁二  
十枚蘿蔔自然汁研下保和丸 一人左腎核  
腫痛此飲食中濕墜下成熟以橘核五枚桃仁  
七枚細研順流水一盞煎沸熱下保和丸 木  
腎以枇杷葉野紫蘇葉蒼耳葉水晶葡萄葉濃  
煎湯熏洗 雄黃一兩研礬二兩生甘草半兩  
水五升煎洗 荆芥穗一兩朴硝二兩爲麤末  
蘿蔔葱同煎湯淋洗 大黃末醋和塗之乾卽  
易 馬鞭草搗塗 蔓菁根搗傅 經云陽明  
司天燥淫所勝丈夫癩疔婦人小腹痛又云陽  
明之勝外發癩疔是燥邪攻肝氣虛而然治法  
當補肝瀉燥金也 又云厥陰所謂癩疔婦人  
少腹腫者厥陰者辰也三月陽中之陰邪在中

故曰癩疔少腹腫也。所謂癢疔膚脹者曰陰亦盛而脉脹不通故曰癩癢疔也。三陽爲病發寒熱下爲癰腫及爲痿厥。其傳爲癩疔。夫寒熱下爲癰腫及爲痿厥。其傳爲癩疔。東垣曰陰陽別論云三陽爲病發寒熱下爲癰腫及爲痿厥。其傳爲索澤。又傳爲癩疔。夫熱在外寒在內則累垂。此九夏之氣也。寒在外熱在內則卵縮。此三冬之氣也。足太陽膀胱之脉逆上迎手太陽小腸之脉下行至足厥陰肝之脉不得伸。其任脉並厥陰之脉逆則如巨川之水致陽氣下墜。是風寒濕熱下出囊中致兩睪腫大謂之曰疔。太甚則爲癩。足厥陰之脉與大腸膀胱寒水之脉同至前陰之末。傷寒家說足厥陰肝經爲病煩滿囊縮急下之宜大承氣湯以瀉大熱。靈樞經云足厥陰肝經筋中爲寒則筋攣卵縮爲大寒。前說囊縮爲大熱。此說爲大寒。此說囊縮垂睪下引癩疔脚氣爲大寒。風濕盛下垂爲寒。與上二說不同。何也。曰以平康不病人論之。夏暑大熱囊卵累垂。冬天大寒急

縮收上與前三說又不同何也是相乖耶不相  
乖耶答曰傷寒家囊卵縮大熱在內宜承氣湯  
急下之與經筋說囊卵縮大寒在外亦是熱在  
內與傷寒家同故再引平康人以證之冬天陽  
氣在內陰氣在外人亦應之故寒在外則皮急  
皮急則囊縮夏月陰氣在內陽氣在外人亦應  
之故熱在外則皮緩皮緩則囊垂此癩疝之象  
也三說雖殊其理一也用藥者宜詳審之已上  
三論各有所主兼此攷訂則脉證陰陽寒熱虛  
實之辨判然矣 內經刺灸癩疝有四法 其  
一、鉞石取罨囊中水液經云腰腎者身之大關  
節也肢脛者人之管以趨翔也莖垂者身中之  
機陰精之候津液之道也故飲食不節喜怒不  
時津液內溢乃下流於罨血道不通日久不休  
俛仰不便趨翔不能此病榮然有水不上不下  
鉞石所取形不可匿常不得蔽命曰去瓜其法  
今世人亦多能之罨丸囊大如斗者中藏穢液  
必有數升信知此出古法也 其二取肝經云

足厥陰之脉是動則病丈夫癩疝婦人小腹腫是也是於足厥陰肝經視盛虛熱寒陷下而施補瀉留疾與灸也 其三取肝之絡經云足厥陰之别名曰蠡溝去內踝五寸別走少陽其別者徑脛上罽結於莖其病氣逆則罽腫卒疝取之所別是也是於內踝上五寸貼脛骨後近肉處蠡溝取之也 其四取足陽明筋經云足陽明之筋聚於陰器上腹其病轉筋髀前腫癢疝腹筋急治在燔針劫刺以知爲數以痛爲輸是也是於轉筋痛處用火針刺之也

**狐疝**

卧則入腹立則出腹偏入囊中者是也

仲景方陰狐疝氣有大小時時上下者蜘蛛

散主之

內經刺灸狐疝但取足厥陰一經經

云肝足厥陰之脉所生病者狐疝是也隨其經盛虛寒熱陷下取之也 耳後陷者腎下腎下則腰尻痛不可俛仰爲狐疝

通治 不問何證皆可用生料五積散每服一兩入鹽炒吳茱萸茴香各一錢生薑三片葱白



五寸煎空心熱服。服藥未効，大痛攻刺不已，陰縮手足厥冷，宜香附子仍炒鹽乘熱用絹裹熨臍下。若大小腑不甚通者，五苓散加桂、下青木香丸。初發或頭疼身熱，或憎寒壯熱，並宜參蘇飲加木香，有逆上攻心下不覺痛而見心疼者，宜以生韭搗取自然汁和五苓散為丸，茴香湯下。有腎氣纔動，心氣亦發，上下俱疼者，宜異攻散吞菜萸內消丸，或且專治下下痛定則上痛定矣。神方治疝氣上衝，如有物築塞心

胸欲死，手足冷者，二三服除根。硫黃火中鎔化，即投水中去毒，研細，荔枝切片炒黃，陳皮各等分，右為末，飯丸桐子大，每服十四五丸，溫酒下。其疼立止。患人自覺疼甚，不能支持，止與六丸，不可多也。食積與瘀血作痛者，導積行血則愈。於傷食畜血二門求之。

**診** 寸口弦緊為寒疝，弦則衛氣不行，氣不行則惡寒緊，則不飲食。寸口遲緩遲為寒，緩為氣氣寒相搏，轉絞而痛。沉緊豁大為虛。弦

急搏皆疝視在何部而知其藏心脉微滑為心  
 疝肝脉滑為癩疝腎脉滑為癰疝大急沉為腎  
 疝肝脉大急沉為肝疝心脉搏急為心疝肺脉  
 沉搏為肺疝脾脉緊為脾疝寸弦而緊弦緊  
 相搏為寒疝 趺陽虛遲為寒疝 肝脉滑甚  
 為癩疝腎肝滑甚為癰疝東垣曰夫滑脉關以  
 上見者為大熱蓋陽  
 與陽併也故大熱滑脉尺部見為大寒生癩疝  
 滑脉者命門包絡之名也為丙丙丁熱火併於  
 下蓋丙丁不勝壬癸從  
 寒水之化也故生癩疝

交腸

交腸之病大小便易位而出或因醉飽或因大  
 怒遂致藏氣乖亂不循常道法當宣吐以開提  
 其氣使闌門清利得司泌別之職則愈矣宜五  
 苓散調氣散各一錢加阿膠末一錢湯調服或  
 研黃連阿膠丸為末加木香少許再以前藥送  
 下 丹溪治馬希聖年五十餘性嗜酒常痛飲  
 不醉糟粕出前竅便溺出後竅六脈皆沉澀與  
 四物湯加海金沙木香檳榔木通桃仁服而愈

此人酒多氣肆酒升而不降陽極虛酒濕積久  
生熱煎熬血乾陰亦大虛陰陽偏虛皆可補接  
此人中年後陰陽俱虛時暫可活者以其形實  
酒中穀氣尚在三月後其人必死後果然

交關之訣大小則長並流出短因輒頭短因大

交關

腸鳴

內經腸鳴有五 一曰脾虛經云脾虛則腹滿  
腸鳴餐泄食不化取其經太陰陽明少陰血者  
是也 二曰中氣不足經云中氣不足腸爲之  
苦鳴補足外踝下留之五分申脉穴也 三曰  
邪在大腸經云腸中雷鳴氣上衝胸邪在大腸  
刺盲之原巨虛上廉三里是也 四曰土鬱經  
云土鬱之發腸鳴而爲數後是也 五曰熱勝  
經云少陰在臬熱淫所勝病腹中腸鳴氣上衝

胸治以鹹寒是也。東垣云如胃寒泄瀉腸鳴於升陽除濕湯加益智仁五分半夏五分生薑棗子和煎。丹溪云腹中水鳴乃火擊動其水也。二陳湯加苓連梔子。腹中鳴者病本於胃也。婁全善云腸鳴多屬脾胃虛。一男子腸鳴食少臍下有塊耕動若得下氣多乃已。已則復鳴醫用疎氣藥與服半年不効予用參朮為君甘草連苓枳乾薑為臣。一貼腸鳴止食進。又每服吞厚朴紅豆丸其氣耕亦平。經云脾胃虛則腸鳴腹滿。又云中氣不足腸為之苦鳴。此之謂也。肺移寒於腎為涌水。涌水者按之腹不堅水氣客於大腸。疾行則鳴濯濯如囊裹水漿之聲也。河間葶藶丸主之。

必兼溫之設不溫於內亦須溫於外古方用五倍子末花而上之一次未效至五七次必收而

於升陽除濕湯加益智仁五分半夏五分生薑  
 桑子和煎 升瀉云腹中水鳴乃火擊動其水  
 也 陳湯加苓連施子 腹中鳴者病本於胃  
 也 東全善云腸鳴多屬胃虛一男子腸鳴  
 蓋出所聞葶藶水主之 得氣多乃已已則復  
 木屑客飲大匙煮升以煎氣喘咳藥桑木漿之  
 也 神效寒飲胃熱水煎水音楚之甄不聖  
 甄聖甄滿又云中氣不致甄為之苦調出之謂

脫肛

難經云虛實出焉出者為虛入者為實肛門之  
 脫非虛而何哉蓋實則溫溫則內氣充而有所  
 蓄虛則寒寒則內氣餒而不能收況大腸有厚  
 薄與肺為表裏肺藏蘊熱則閉虛則脫本草有  
 云補可以去弱澀可以去脫若脫甚者既補之  
 必兼澀之設不澀於內亦須澀於外古方用五  
 倍子末托而上之一次未收至五七次必收而  
 不復脫矣久利婦人小兒老人有此疾者產育

及久痢用力過多小兒氣血未壯老人氣血已衰故肛易於出不得約束禁固也肛門為大腸之候大腸受熱受寒皆能脫出當審其因證寒者以香附子荆芥等分煎湯洗之熱者以五倍子朴硝煎湯洗之亦用木賊燒灰不令煙盡入麝香少許大便秘了貼少許或以五倍子末攤紙上貼肛緩緩揉入有腸頭作痒即腹中有蟲丈夫因酒色過度大腸者傳導之官腎者作強之官蓋腎虛而洩母氣肺因以虛大腸氣無所主故自脫肛治法實元氣去蕪熱之劑外用煎藥洗之醫治無不愈矣

大腸熱甚與腸風者涼血清腸散 瀉痢後大腸氣虛肛門脫出不腫

不痛屬氣血虛宜補氣血為主赤腫有痛宜涼血祛風為主補氣血八珍湯十全散涼血生芩

赤芍槐花槐角黃栝萸雞冠花踈風防風羌活荆芥 久瀉痢者補養脾胃宜參朮實脾湯

用力過多者十全大補湯參朮芩歸湯訶子人參湯內加升提藥

大腸虛而挾熱脫肛紅腫

服用

卷六

三

宜縮砂湯槐花散薄荷散大腸虛而挾寒脫

肛不紅腫宜蝟皮散香荆散日久不愈常宜

服收腸養血和氣湯澀脫龍骨散澀腸散

外治陽證蟠龍散陰證伏龍肝散五倍子

末煎湯加白礬洗五倍荆芥小便濃煎洗

荆芥龍腦薄荷朴硝煎湯洗皂角搥碎煎湯

浸生括萹搗汁浸葱湯洗軟芭蕉葉托上

生鐵三斤水一斗煮取五升出鐵以汁洗內

服磁石散龍頭燒灰塗

### 穀道痒痛

穀道痒多因濕熱生蟲欲成痔瘻宜以雄黃入

艾綿燒煙熏之并納蜣螂丸蜣螂丸治肛門

痒或出膿血有蟲傍生孔竅內用蜣螂七枚五

月五日收去翅足灸為末新牛糞半兩肥羊肉

一兩炒令香右共如膏丸如蓮子大灸令熱以

新綿薄裹納下部中半日少喫飯即大便中蟲

出三五度永瘥治穀道蠹赤腫或痒或痛用

杏仁搗作膏傅之或炒令黃以綿蘸塗穀道中

外臺治下部蟲齧杵桃葉一斛蒸之令極熱  
 內小口器中以下部榻上坐蟲立死治肛門  
 腫痛用木鼈子去殼取肉四五枚研如泥安新  
 瓦器或木盆以沸湯衝動洗了另用少許塗患  
 處五日外去膿

**診** 疔蝕陰脫其脉虛小者生緊急者死

艾絲熟煎取汁之其陰脫者以艾絲煎之

遠齒寒多因熱燥生蟲必丸其數宜以熱黃人

服之遠齒寒散頭燒灰塗

痔

巢氏病源有五痔之論云肛邊生鼠乳出在外  
 時時出膿血者牡痔也肛邊腫生瘡而出血者  
 牝痔也肛邊生瘡痒而復痛出血者脉痔也肛  
 邊腫核痛發寒熱而血出者腸痔也因便而清  
 血隨出者血痔也又有酒痔肛邊生瘡亦有血  
 出又有氣痔大便難而血出肛亦出外良久不  
 肯入諸痔皆由傷風房室不慎醉飽合陰陽致  
 勞損血氣而經脉流溢滲漏腸間衝發下部久



不瘥變為癭也。聖濟總錄敘痔之形狀謂由五府之所傳大腸之所受可謂得其始末矣。若內經所謂因而飽食筋脉橫解腸澀為痔。又謂少陰之復為痔。註又以小腸有熱則戶外為痔。又謂督脉生病癰痔。蓋督脉自會陰合篡間繞篡後別繞臀。是督脉者與衝任本一脉初與陽明合。筋會於陰器故屬於腎而為作强者也。由是或因醉飽入房精氣脫舍其脉空虚酒毒之熱乘之流着是脉或因姪極而強忍精不泄或以藥固其精停積於脉流注篡間從其所過大腸肛門之分以作痔也。與靈樞所謂膀胱足太陽之脉及筋皆抵腰中入絡腎其支者貫臀故主筋生病者為痔亦與督脉病痔之理同也。自此推之足厥陰之筋脉環前後二陰寧不為痔乎。每見患鼠痔者其發則色青痛甚豈非因肝苦急苦痛甚故本色見耶。方論有謂五痔潰皆血膿者獨為熱甚血腐者言也。至若潰出黃水者則為濕熱矣。更宜於東垣方論求之。東垣治

濕熱風燥四氣。內經曰因而飽食筋脉橫解  
腸澀爲痔。夫大腸庚也。主津。本性燥。清肅殺之  
氣。本位主收。其所司行津液。以從足陽明中州  
戊土之化。若旺則能生化萬物。而衰亦能殞殺  
萬物。故曰萬物生於土而歸於土也。然手足之  
陽明同司其化焉。既在西方。本位爲之害。蜚司  
殺之府。因飽食行房。忍泄前陰之氣。歸於大腸  
以致木乘火勢而侮燥。金以火就燥則大便閉  
而痔漏作矣。其疾甚者當以苦寒瀉火。以辛溫  
和血潤燥。踈風止痛。是甘其治也。以秦艽當歸稍  
和血潤燥。以桃仁潤血。以皂角仁除風燥。以地  
榆破血止血。以枳實之苦寒補腎。以下泄胃實  
以澤瀉之淡滲使氣歸於前陰。以補清燥受胃  
之濕邪也。白朮之苦甘以苦補燥氣之不足。其  
甘味以瀉火而益元氣也。故曰甘寒瀉火乃假  
枳實之寒也。古人用藥爲下焦如瀆。又曰在下  
者引而竭之多。爲大便秘澀。以大黄推去之。其  
津血益不足以當歸和血。及油潤之劑。大便自

然更利矣。宜作劉湯以與之。是下焦有熱以急治之之法也。以地榆惡人而壞胃。故宿食消盡。空心作丸服之。曰秦艽白朮丸。又云痔瘡若破。謂之痔漏。大便秘澀必作大痛。此由風熱乘食飽不通氣逼大腸而作也。受病者燥氣也。為病者胃熱也。胃刑大腸則化燥火以乘燥熱之實。勝風附熱而來。是濕熱風燥四氣相合。故大腸頭成塊者濕也。作大痛者風也。大便燥結者主病兼受火邪熱也。當去此四者。其西方肺主諸氣。其體收下。亦助病為邪。須當以破氣藥兼之。治法全矣。不可作丸。以劉湯與之。效如神速。九百八十五  
**秦艽蒼朮湯**主之。痔漏經年。因而飽食筋脉橫解。腸澀為痔。治法當補北方瀉中央。宜紅花九百八十六  
**桃仁湯**。痔漏大便結燥疼痛。秦艽當歸湯。痔漏大便硬努出大腸頭下血苦痛不能忍。當歸郁李仁湯。痔漏成塊下垂不任其痒。秦艽羌活湯。脉訣云積氣生於脾。藏傍大腸疼痛。陣難當漸交。稍瀉三焦火。莫漫多方立紀綱。七

聖丸主之

痔漏每日大便時發疼痛如無疼

痛者非痔漏也秦芫防風湯主之丹溪專一

涼血為主 人參黃連生地涼當歸和川芎和

槐角涼生條芩涼大枳殼寬升麻提右煎湯服

之外以澀藥蘆甘石童便煨牡蠣粉龍骨海蛤

蜜陀僧之類敷之薛新甫云初起焮痛便秘

或小便不利者宜清熱涼血潤燥疎風若氣血

虛而寒涼傷損者調養脾胃滋補陰精若破而

久不愈多成痔漏有穿腎穿陰穿腸者宜養元

氣補陰精為主大便秘澀或作痛者潤燥除濕

肛門下墜或作痛者瀉火除濕下墜腫痛或作

痒者祛風勝濕腫痛小便澀滯者清肝導濕若

有患痔而兼疝患疝而兼下疳皆屬肝腎不足

之變症但用地黃丸益氣湯以滋化源為善若

專服寒涼治火者無不致禍 牡痔乳香散猪

蹄灰丸 牝痔檳榔散榼藤散麝香散 酒痔

赤小豆散乾葛湯 氣痔橘皮湯威靈仙丸熏

熨方 血痔地榆散椿皮丸猪臟丸 腸痔皂

角煎丸方百九龍甲丸方百九脉痔刺蝟皮丸方百九桑木耳散方百九

痛甚秦艽方百八當歸湯方百七七聖丸方百七能消丸方百九地榆散方百九試蟲

散龍腦散方百九白聖散方百九黑玉丹方百九或用荔枝草煎湯入

朴硝洗之効方百九痒甚秦艽方百九羌活湯外用槐白皮

濃煎汁安盆中坐熏之冷即再暖良久欲大便

當蟲出或用水銀棗膏各二兩研勻捏如棗形

薄綿裹納之明日蟲出若痛者加粉草三大分

作丸或用威靈仙枳殼炒各一兩為麤末熬水

熏洗冷即再暖臨卧避風洗三次挹乾貼蒲黃方百九

散或用艾入雄黃末燒煙熏之 下血不止痔

歸丸方百九黑丸子方百九臭樗皮散方百九二礬丸方百九苦棟丸方百九槐角地

榆湯方百九槐角枳殼湯外敷血竭末 氣滯發痔荆

枳湯方百九血瘀作痛逐瘀血湯 血痔久痔潔古

用黑地黃丸主之云治痔之聖藥也 運氣痔

發皆屬寒經云太陽之勝痔瘡發治以苦熱是

也則痔固有寒者矣本事四方用桂附乃其治

乎熏痔方用無花果葉煮水熏少時再洗

又法燒新磚以醋沃坐熏良 洗藥方治番花

痔用荆芥防風朴硝煎湯洗之次用木鼈子五  
倍子研細調傅如肛門腫熱再以朴硝末水調  
淋之良 又方無花果葉七片五倍二錢皮硝  
二錢水一碗煎八分砂鍋內乘熱熏洗 敷藥  
雞內金蒲黃血竭各等分爲末濕則乾摻乾則  
油調傅 又方茄蒂何首烏文蛤酥炙各等分  
蜜薑汁雞子清攪勻調傅 膏藥杏仁去皮五  
錢車麻子去殼七錢乳香二錢沒藥四錢血竭  
六錢片腦一錢銅綠二錢瀝青三錢松香二兩  
穿山甲灰炒研末二錢人乳一酒鍾先將車麻  
杏仁搗如泥次入松香搗爛次第入諸藥量入  
人乳搗令軟硬得所再搗五六百下收磁器中  
封固臨時以手撚如錢攤厚紙或帛上拔腐去  
膿生新肉

李防禦專科治痔九方朝貴用之屢効蓋其用  
藥簡要有次第製造有法無苦楚而收効甚速  
凡痔出外或番若蓮花復便血疼痛不可坐卧  
甚者用下藥早上藥一次午一次晚又一次至

夜看痔頭出黃水膏如泉當夜不可再上藥且  
令黃水出盡次日看痔消縮一半若更上藥一  
二日爲好若年高人應外腎牽引疼痛可用人  
以火烘熱手於大小便間熨之其痛自定黃水  
未盡可再傅一日藥仍須勤用曉外科人早晚  
看照黃水流至盡是病根已去也水澄膏係護  
肉藥鬱金白芨二味各等分細末候痔出側卧  
以鹽湯洗淨拭用新水和密蓋內調勻却入藥  
末同敷在穀道四向好肉上留痔頭在外用紙  
蓋藥仍用筆蘸溫水塗紙令常潤澤却用下枯  
藥好白礬四兩通明生砒二錢半重朱砂一錢  
生研如粉細三味先用砒末安建蓋中次用白  
礬末蓋之用火煨令煙斷其砒盡從煙去止是  
借砒氣在白礬中將枯礬取出爲細末先看痔  
頭大小多寡將礬末抄上掌中加朱砂少許二  
味以津唾調勻得所用篋子調塗痔頭上周遭  
令徧口三上須仔細詳看痔頭顏色欲其轉焦  
黑乃取落之漸至夜自有黃水膏出以多爲好

方是惡毒水，切勿他疑。中夜再上藥一次。來日依舊上三次。有小疼不妨。如換藥用新瓦器盛新水，或溫水在痔邊，以筆輕手刷洗舊藥，却上新藥，仍用前護藥。老弱人用藥要全無疼痛，只增加朱砂末於礬末內，自然力慢，不可住藥，但可少徧敷。直候痔頭焦枯，方可住也。次用荆芥湯洗，以荆芥煎湯入瓦器時洗之。潤腸丸用大黃煨淨，製枳殼、當歸各等分蜜丸，每服二三十丸，白湯下，以防肛門急燥，欲大便出無澀痛而已。又龍石散用龍骨煨出火毒，軟石膏煨出火毒，白芷、黃丹作末，摻瘡口。又導赤散用生地黄、木通、黃芩等分煎，以防小便赤澀。又雙金散用黃連、鬱金等分爲末，用蜜水調敷。痔頭有小痛，卽敷之。若得腦子末，傅尤佳。又痔頭收斂，卽可服十宣散，以生氣血。又國老湯生甘草治痔本藥也。煎水熏洗，生肌解石毒，瘡極痒亦主之。共九方。

周先生枯痔法，明礬、赤石脂。

五錢

辰砂

痛加一錢

黃丹



右為末先用鬱金末護肛門如無鬱金用薑黃末代之調塗四圍好肉如不就加菘荳粉打合却將枯藥傅上如肛門疼急濃煎甘草湯放溫拂四圍肛門上就與寬腸藥槐花大黃枳殼木通連翹瞿麥當歸右半酒半水煎 枯藥早晨上一次日午一次洗去舊藥申時又洗去又上一次如要急安至夜半子時又洗上一次至次日且看痔頭淡淡黑色兩三日如烏梅四五日內用竹篦子輕輕敲打痔頭見如石堅至七八日便住更不須上枯藥且待自然如蘿蔔根乃脫去也洗用甘草荆芥槐花洗去舊藥方上新藥 凡醫痔之法且如明日要下手今日先與此藥所以寬大腸使大便軟滑不與痔相礙且不泄瀉痔頭未脫落者須要日日與之以大黃一兩煨枳殼炒當歸酒洗一兩同為細末丸如桐子大好酒吞下 治枯痔頭慮生他症凡用枯藥或觸壞腎根或水道赤瀉痛與此方大黃木通生地各一兩滑石瞿麥各半兩同為細末

每用四錢煎服。催痔方如枯盡未脫落以此  
催之好磁石一錢白礬蠶生川烏五分同爲細  
末冷水調傅上立脫。凡用枯藥去盡乳頭恐  
留痔硬頭損破肛門四圍成瘡用此藥龍骨一  
錢石膏一錢沒藥五分膩粉五分同研十分細  
先以荆芥湯洗次摻之切忌毒物生薑。痔脫  
後用甘草湯豆豉湯洗再用荆芥五倍子煎水  
洗便不生膿。治痔脫後肉痒方用大粉草濃  
煎湯洗。收腸方凡用枯藥脫下乳頭隨卽與

此以收其腸此方補氣又收膿去血生肉令瘦  
壯人參當歸各一兩川芎甘草白芷防風厚朴  
桔梗桂枝黃芪右細末半酒半水煎如惡酒者  
酒少水多煎之夏月減桂朴加苓檉

治痔切勿用生砒毒氣入腹反至奄忽忌喫生  
冷硬物冷菜之類及酒濕麪五辣辛熱大料物  
及乾薑之類犯之無効

灸法大蒜十片頭垢捏成餅子先安頭垢餅於  
痔頭上外安蒜片以艾灸之。唐峽州王文顯

充西路安撫司判官乘驛入駱谷有痔疾因此  
大作其狀如胡瓜貫於腸頭熱如澆灰火至驛  
僵仆主驛吏云此病予曾患來須灸卽瘥用柳  
枝濃煎湯先洗痔便以艾炷其上連灸三五壯  
忽覺一道熱氣入腸中因轉瀉鮮血穢物一時  
出至痛楚瀉後遂失胡瓜所在登驛馳去 秘  
傳痔漏隔礬灸法皂礬一斤用新瓦一片兩頭  
用泥作一壩先用香油刷瓦上焙乾却以皂礬  
置瓦上煨枯去砂爲末穿山甲一錢入紫罐內  
煨存性爲末木鼈子亦如前法煨過取末二錢  
五分乳香沒藥各一錢五分另研右件和勻冷  
水調量瘡大小作餅子貼瘡上用艾炷灸三四  
壯灸畢就用熏洗藥先熏後洗日六度三五日  
後如前法再灸以瘥爲度 熏洗方皂礬如前  
製過約手規二把知母末一兩貝母末一兩葱  
七莖先用水同葱煎三四沸傾入瓶內再入前  
藥令患者坐瓶口上熏之待水溫傾一半洗患  
處留一半俟再灸復熱熏洗以瘥爲度 文化乙

一、... 半刻再灸... 熱氣... 變...  
 一、... 患... 生... 口... 上... 重... 之... 熱... 氣... 則... 半... 天... 湯...  
 一、... 大... 因... 水... 同... 蒸... 煎... 三... 四... 煎... 湯... 入... 餅... 內... 再... 入... 煎...  
 一、... 與... 滋... 陰... 子... 畏... 三... 味... 吹... 散... 末... 一... 兩... 湯...  
 一、... 灸... 前... 法... 再... 灸... 以... 藥... 散... 末... 吹... 散... 末... 一... 兩... 湯...  
 一、... 此... 灸... 耳... 內... 通... 氣... 藥... 末... 煎... 湯... 日... 六... 次... 三... 五... 日...  
 一、... 水... 煎... 量... 飲... 大... 小... 許... 許... 干... 胡... 藜... 土... 田... 艾... 炒... 灸... 三... 四...  
 一、... 正... 分... 煎... 齊... 藥... 各... 一... 錢... 正... 令... 只... 煎... 末... 煎... 湯... 日... 六... 次... 三... 五... 日...  
 一、... 煎... 湯... 封... 蓋... 末... 木... 煎... 干... 木... 吹... 前... 法... 再... 灸... 以... 藥... 散... 末... 吹... 散... 末... 一... 兩... 湯...

内閣文庫		
番號	漢	12549
冊數	78 ( 10 )	
函號	301	62